



Senin, 12 Februari 2024
Ogen: Keluaren 8:9



Notoken Petugas Pemilu



Ibas pemilihan Umum 2019 si lewat, lit sada cataten si erbanca ate megogo, e me kurang lebih 894 jiwa petugas KPPS idilo Dibata ras 5.175 jiwa sakit kenca ndahiken tugas. Menurut ketua Komisi Pemilihan Umum (KPU) bas paksa e Arief Budiman ngatakenca penyebab kematen ratusan petugas e e me erkiteken latihsa. Buena rekapen ras data-data si man cataten bage pe desaken masyarakat gelah sepedas-pedasna iberitaken ulih pemilihan e erbanca petugas KPU e erdahin tanpa kenal waktu. Mekuah kal ateta keluarga sinitadingken bage pe si sakit perbahan dahin negara enda.

Kinata sejarah kelam enda arus siantisipasi. Kita la banci sip saja, entah rembang kari keluargata bicara la pe keluargata petugas KPPS e, adi sakit ras kesah kel man taruhenken, mergasa nge. Kai dage silakoken, ope reh kari si bagenda rupa? Marilah bagi Musa ras Harun. Paksa ras Mesir ketulohen katak si lompat-lompat belang-belang kerajanna. Ipindona man Musa ras Harun guna notoken ia ras bangsana. Labo akap Musa ras Harun mbelinsa pemindonna e, nggit nge kalak enda notoken raja Mesir gelah bangsa Israel pe banci puluh bas kiniseran e nari.

Kuasa pertoton, mbelin kal ngaruhna. La saja man banta, tapi man kalak si deban pe kepeken dengkehken Tuhan pertotonta. Sebab ateNa pe gelah kita ola nggeluh erbana-bana. Terlebih-lebih dahin pemilihan umum pemimpin negerita enda, e pe sada dahin si menentukan ku ja nge kari perdalinen negerinta i bas 5 tahun ku lebe. Adi banci si aloken min sendah bas tahun enda pemilihan si murni ndatken ulih si mehulina. E maka e pe la terlepas i bas kinerja petugas KPU/KPPS. Bereken waktuta kentsik. Sitotoken sehat kerina petugas e seh keru masa tugas, jujur kerina ndahiken dahinna, ersada arihna kerina, sehat mejuah-juah ia ras kerina jabuna.

➤ *Totokenlah kalakasing, sebab kita kerina enda ksilang ras menggongsi*